

Na osnovu člana 99. stav 2. Poslovnika Skupštine Zeničko-dobojskog kantona - Četvrti prečišćeni tekst („Službene novine Zeničko-dobojskog kantona“, broj: 5/24), Skupština Zeničko-dobojskog kantona, na 40. (tematskoj) sjednici održanoj 03.06.2025. godine, donosi:

ZAKLJUČAK

1. Skupština Zeničko-dobojskog kantona prihvata Izvještaj o stanju zaštite okoliša i zaštite prirode na području Zeničko-dobojskog kantona.
2. Skupština Zeničko-dobojskog kantona zadužuje Vladu Zeničko-dobojskog kantona, Ministarstvo za obrazovanje, nauku, kulturu i sport Zeničko-dobojskog kantona, Ministarstvo finansija Zeničko-dobojskog kantona, rektora JU Univerzitet u Zenici i direktora Instituta Kemal Kapetanović Univerziteta u Zenici, da u roku od 6 (šest) mjeseci, u skladu sa članom 4. Zakona o povjeravanju javnih ovlaštenja iz oblasti zaštite okoliša („Službene novine Zeničko-dobojskog kantona“, broj 12/13), te u cilju izvršavanja obaveza propisanih navedenim zakonom, a posebno praćenja stanja kvaliteta zraka i ostalih komponenti okoliša na području ZDK, vođenje registra o postrojenjima i zagađivanjima kao i analize i ocjene postignutih efekata raelizacije mjera zaštite okoliša propisanih strateškim dokumentima (KEAP ZDK, Akcioni plan zaštite kvaliteta zraka na području ZDK i sl.) poduzmu sve potrebne mjere i aktivnosti u cilju kadrovskog i stručnog jačanja Centra za okoliš Zeničko-dobojskog kantona pri Institutu Kemal Kapetanović Univerziteta u Zenici, a u skladu sa dužnostima i ovlaštenjima propisanim Zakonom o povjeravanju javnih ovlaštenja iz oblasti zaštite okoliša („Službene novine Zeničko-dobojskog kantona“, broj: 12/13), te eventualno analiziraju potrebu reorganizacije Centra za okoliš Zeničko-dobojskog kantona pri Institutu „Kemal Kapetanović“ Univerziteta u Zenici.
3. Skupština Zeničko-dobojskog kantona zadužuje Ministarstvo za prostorno uređenje, promet i komunikacije i zaštitu okoline Zeničko-dobojskog kantona, da u skladu sa Zakonom o povjeravanju javnih ovlaštenja iz oblasti zaštite okoliša, u saradnji sa Centrom za okoliš Zeničko-dobojskog kantona pri Institutu Kemal Kapetanović Univerziteta u Zenici, u toku 2025. godine započne aktivnosti na izradi novog Plana upravljanja otpadom na području Zeničko-dobojskog kantona u smislu iznalaženja novih rješenja i strateških pravaca, te planiranja aktivnosti i ulaganja u sektor upravljanja otpadom, kao i usklađivanja sa federalnim Planom upravljanja otpadom i novim federalnim Zakonom o upravljanju otpadom čija izrada je u toku. Postupak izrade novog Plana upravljanja otpadom na području Zeničko-dobojskog kantona uskladiti sa odredbama Uredbe o strateškoj procjeni uticaja strategije, plana ili programa na okoliš i obimu, sadržaju i ocjeni strateške studije („Službene novine Federacije BiH“, broj: 12/25) kojima se definiše ko provodi stratešku procjenu i za šta se ona radi, a to su strategije, planovi, programi i njihove izmjene i dopune iz oblasti prostornog planiranja ili korištenja zemljišta, poljoprivrede, šumarstva, ribarstva, lovstva, energetike, industrije, saobraćaja, upravljanja otpadom, upravljanja vodama, telekomunikacija, turizma, očuvanja prirodnih staništa biljnog i životinjskog svijeta.
4. Skupština Zeničko-dobojskog kantona sugerise Vladi Zeničko-dobojskog kantona i Ministarstvu za prostorno uređenje, promet i komunikacije i zaštitu okoline Zeničko-dobojskog kantona da u skladu sa Planom upravljanja otpadom na području Zeničko-dobojskog kantona intenziviraju aktivnosti na uspostavljanju regionalnih centara za upravljanje otpadom za potrebe južnog i sjevernog dijela Kantona, a u svrhu ostvarenja krovnog cilja upravljanja otpadom na području Zeničko-dobojskog kantona i uspostave i operacionalizacije Integralnog sistema upravljanja otpadom na području Kantona, kao dio jedinstvenog integralnog sistema upravljanja otpadom na nivou Federacije BiH, koji

se treba bazirati na načelima održivog razvoja i to na principima izbjegavanja, vrednovanja (materijalno i energetska) i odstranjivanja otpada.

5. Skupština Zeničko-dobojskog kantona preporučuje Vladi Zeničko-dobojskog kantona i Ministarstvu za prostorno uređenje, promet i komunikacije i zaštitu okoline Zeničko-dobojskog kantona, da u cilju što efikasnijeg upravljanja u oblasti zaštite prirode, pokrenu aktivnosti na uspostavljanju stručne institucije za zaštitu biološke i pejzažne raznolikosti, a u skladu sa odredbom člana 9. Zakona o zaštiti prirode („Službene novine Federacije BiH”, broj: 66/13 i 10/25), kako bi se uspostavili sistem i mehanizmi za održivo upravljanje prirodom kroz saradnju sektora okoliša sa sektorima šumarstva, poljoprivrede, vodoprivrede, rudarstva, energetike, saobraćaja, turizma, zdravstva i edukacije.
6. Skupština Zeničko-dobojskog kantona sugeriše Vladi Zeničko-dobojskog kantona i Ministarstvu za prostorno uređenje, promet i komunikacije i zaštitu okoline Zeničko-dobojskog kantona da intenziviraju aktivnosti na uspostavljanju jedinstvene javne ustanove za upravljanje svim zaštićenim područjima na nivou Zeničko-dobojskog kantona.
7. Zaključak stupa na snagu danom donošenja.

PREDSJEDAVAJUĆI

Ćazim Huskić

Broj: 01-19-11196/25

Datum, 03.06.2025. godine

Z e n i c a